



Broj: 10/E-11-4102/23  
Sarajevo, 21-08-2023 godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine ("Službeni glasnik BiH", broj: 39/14 i 59/22) u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», broj 23/04), a na prijedlog privremene komisije za nabavku roba, usluga i radova, imenovana rješenjem Općinskog načelnika broj: 10-45-4964/23 od 21.07.2023. godine, (u daljem tekstu: Komisija), u postupku javne **nabavke i ugradnje sistema za ventilaciju gimnastičke i univerzalne sale u objektu JU CSR Sarajevo**, putem otvorenog postupka, uz primjenu e-aukcije, (Zapisnik o pregledu i ocjeni ponuda broj: 10/E-11-4102/23 od 17.08.2023. godine ), Opštinski načelnik d o n o s i:

### ODLUKU O IZBORU NAJPOVOLJNIJEG PONUĐAČA

- I** Prihvata se ponuda ponuđača „**CLIMA-TRADE**“ d.o.o. Sarajevo, ulica Džemala Bijedića broj 301,71000 Sarajevo, broj: 423-CT/23 od 09.08.2023.godine, za **nabavku i ugradnju sistema za ventilaciju gimnastičke i univerzalne sale u objektu JU CSR Sarajevo**, putem otvorenog postupka, uz primjenu e-aukcije, u **ukupnom iznosu od 154.987,60 KM bez PDV-a odnosno 181.335,49 KM sa PDV-om.**
- II** Izabrani ponuđač je dokaze iz tačke 7.1. TD (Lična sposobnost), u skladu sa članom 45. Zakona o javnim nabavkama, dužan dostaviti najkasnije u roku od 5 (pet) dana od dana prijema ove Odluke na Protokol ugovornog organa (originale ili ovjerene kopije).
- III** Ova odluka stupa na snagu danom donošenja i dostavlja se ponuđaču učesniku u postupku Javne nabavke u roku od 7 (sedam) dana, shodno članu 71. Zakona.
- IV** Ova Odluka objavit će se na web-stranici Općine Centar, [www.centar.ba](http://www.centar.ba), istovremeno s upućivanjem iste ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

### O b r a z l o Ź e n j e

Postupak za javnu nabavku za nabavku i ugradnju sistema za ventilaciju gimnastičke i univerzalne sale u objektu JU CSR Sarajevo, putem otvorenog postupka, uz primjenu e-aukcije, pokrenut je Odlukom Opštinskog načelnika o pokretanju postupka broj: 10/E-11-4102/23 od 10.07.2023.godine, broj Obavještenja na Portalu javnih nabavki: 848-1-3-118-3-134/23 od 18.07.2023. godine. Procijenjena vrijednost javne nabavke iznosi 155.000,00 KM (bez PDV-a).

U roku određenom za predaju ponuda, 09.08.2023. godine do 12,00 sati, dostavljene su 2 (dvije) ponude, i to od ponuđača: „UNIONINVEST“ D.D. Sarajevo i „CLIMA-TRADE“ d.o.o. Sarajevo

Ponuđač „PRUNUS“ d.o.o. Sarajevo je na protokol Općine Centar dana 09.08.2023. godine u 12,04 sati dostavio svoju ponudu, koja je predata nakon roka određenog za predaju ponuda, te se ponuda ponuđača „PRUNUS“ d.o.o. Sarajevo proglašava neblagovremenom i zatvorena je vraćena ponuđaču.

U skladu sa članom 63. Zakona o javnim nabavkama (u daljem tekstu: Zakon), Komisija je u zakazano vrijeme pristupila javnom otvaranju pristiglih ponuda i nakon što je utvrđena urednost dostave, pročitane su cijene ponuda, kako slijedi:

R/B	Ponuđač	Ukupna cijena u KM bez PDV-a	Popust	Ukupna cijena u KM sa PDV-om
1.	„UNIONINVEST“ DD Sarajevo	187.108,09 KM	-	218.916,47 KM
1.	„CLIMA -TRADE“ d.o.o. Sarajevo	154.987,60 KM	-	181.335,49 KM

Nakon izvršenog otvaranja ponuda, Komisija je pristupila detaljnoj analizi dokumentacije priložene uz ponude u smislu provjere njene validnosti, obzirom na iskazane zahtjeve ugovornog organa u tenderskoj dokumentaciji, procedurama utvrđenim tenderskom dokumentacijom i u skladu sa Zakonom, odnosno pripadajućim podzakonskim aktima, te utvrdila sljedeće:

**Ponuda ponuđača „UNIONINVEST“ D.D. Sarajevo** iznosi 187.108,09 KM, tj. ista prelazi procijenjenu vrijednost nabavke, te se ponuda ponuđača „UNIONINVEST“ proglašava **neprihvatljivom**, u skladu sa članom 2. stav 1 tačka 2) Zakona o javnim nabavkama.

**Ponuda ponuđača „CLIMA-TRADE“ d.o.o. Sarajevo** ispunjava formalno pravne, ekonomske i tehničke uslove odnosno zahtjeve ugovornog organa, te je kao takva prihvatljiva.

Tenderskom dokumentacijom je predviđeno provođenje e-aukcije. S obzirom da je dostavljena samo jedna prihvatljiva ponuda, postupak javne nabavke se okončava na osnovu člana 69. stav (1) tačka a) Zakona, bez provođenja e-aukcije u skladu sa odredbama člana 3. stav (3) Pravilnika o uslovima i načinu korištenja e-aukcije („Službeni glasnik BiH, broj 66/16).

Komisija je u daljem radu donijela jednoglasnu odluku da se Opštinskom načelniku dostavi:


### PREPORUKA O PRIHVATANJU PONUDE

Ponuđača **„CLIMA-TRADE“ d.o.o. Sarajevo**, ulica Džemala Bijedića broj 301,71000 Sarajevo, broj: 423-CT/23 od 09.08.2023. godine za dodjelu Ugovora za **nabavku i ugradnju sistema za ventilaciju gimnastičke i univerzalne sale u objektu JU CSR Sarajevo, u ukupnom iznosu od 154.987,60 KM bez PDV- a odnosno 181.335,49 KM sa PDV-om.**

Nadalje, Opštinski načelnik u postupku ocjene nije našao razloge, niti nepravilnosti u radu Komisije koji bi eventualno bili osnov za neprihvatanje preporuke Komisije, te je odlučeno kao u dispozitivu.

#### Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke shodno članu 101. Zakona. Naknada za pokretanje žalbenog postupka iznosi 2.000,00 KM u skladu sa članom 108. stav (1) tačka c) Zakona. Žalba se podnosi u dovoljnom broju primjeraka, a koji ne može biti manji od 3(tri).



OPŠTINSKI NAČELNIK

Srđan Mandić

Prilog: Zapisnik o pregledu i ocjeni ponuda  
broj: 10/E-11-4102/23 od 17.08.2023.godine

#### Dostaviti:

1. „ UNIONINVEST“ DD Sarajevo, ulica Grbavička broj 4,71000 Sarajevo
2. „ CLIMA-TRADE“ d.o.o. Sarajevo, ulica Džemala Bijedića broj 301,71000 Sarajevo
3. Službi za obrazovanje, društvene djelatnosti, kulturu i sport
3. Kabinetu općinskog načelnika – Odsjek za javne nabavke
4. Službi za finansije
5. Arhivi